

## **Certame artístico e literario** **Relato breve e poesía. Rois 2022**

O Día Mundial do Libro e dos Dereitos de Autor celébrase todos os anos o 23 de abril, data en que se pon de manifesto o papel que desempeña o libro na sociedade dos nosos días. En Galicia, coincide esta data moi próxima ao Día das Letras Galegas, o 17 de maio, día en que Galicia honra as súas letras e a súa lingua e que este ano se lle dedica a Florencio Delgado Gurriarán. Estas celebracións son o motivo polo que se pon en marcha o **Certame artístico e literario de relato breve e poesía. Rois 2022**. As **bases** que o rexen son as seguintes:

### **PRIMEIRA**

Poderán participar cantas persoas desexen sen límite de idade, para o que se crean as seguintes categorías, segundo o ano de nacemento, persoas nadas:

- a) Dente 2015 ata a actualidade
- b) Entre 2014 e 2013
- c) Entre 2012 e 2010
- d) Entre 2009 e 2005
- e) Ata 2004 (incluído)

### **SEGUNDA**

As persoas participantes presentarán un único texto en galego, orixinal e inédito. Os textos, imaxes, ilustracións e música utilizados estarán libres de dereitos de autoría.

### **TERCEIRA**

As modalidades que se establecen son catro:

1. Narrativa, para o que se estipula un máximo de dez folios.
2. Poesía, para o que se estipulan entre 10 e 60 versos.

Nestas dúas modalidades, o escrito presentárase a ordenador co seguinte formato: DIN A4, letra arial, xustificado, tamaño de letra 12, interliñado 1,5 cm, marxes superior e inferior 2,5 cm e esquerda e dereita 3 cm.

3. Fotocreación ou videocreación literaria. Exclusiva para as categorías d) e e). A fotocreación consistirá nun fotopoema ou fotorrelato que fusione unha imaxe (fotografía, ilustración, pintura...) co texto. A videocreación consistirá nunha composición que fusione imaxe, son, movemento e texto, dando como resultado un videorrelato ou videopoema. No caso de relato, máximo 50 liñas, e no caso de poesía, entre 10 e 60 versos.

4. As persoas participantes na categoría a), así como aquelas que non manexen a lectoescritura, poderán substituír os textos por debuxos, que se realizarán en grupo ou individualmente, empregando a técnica que se considere máis axeitada para o seu traballo. Presentaranse nunha folla DIN A3.

#### CUARTA

Os traballos presentados deben incorporar algún elemento característico do concello de Rois. **Deben responder ao tema proposto; do contrario, non entrarán a concurso.**

#### QUINTA

**O prazo de presentación dos traballos remata o xoves 30 de xuño.**

A entrega realizarase preferiblemente por medios electrónicos no seguinte enderezo: [inscricions@rois.gal](mailto:inscricions@rois.gal)

No asunto da mensaxe recollerase o texto: Certame Concello de Rois 2022.

Cada arquivo enviado identificarase co título da obra, seguido do pseudónimo do/a autor/a.

Na mesma mensaxe, a obra acompañarase do documento ANEXO a estas bases, asinado no caso de menores polo pai/nai/titor/a legal do/a menor participante no Certame.

Tamén se ofrece a opción de presentación por correo ordinario ou de forma presencial no Concello de Rois ou no edificio multiúsos de Rois, nos horarios de atención ao público estipulados. Entregarase nun sobre, en cuxo exterior conste: Certame Concello de Rois 2022, o título da obra, así como un pseudónimo da persoa autora da obra.

Os fotopoemas ou fotorrelatos presentaranse en soporte dixital, as imaxes en formato .jpg, cun tamaño mínimo de 1.500x2.300 píxeles e peso máximo de 10 Mb e de, polo menos, 200 ppp de resolución.

Os videopoemas ou videorrelatos presentaranse en formato MP4 e a súa duración máxima será de 2 minutos.

#### SEXTA

O xurado estará composto por persoas relacionadas co mundo da cultura e da educación e coñecedoras da realidade municipal.

#### SÉTIMA

Nas modalidades 1, 2 e , establécense premios ás dúas mellores obras de cada categoría. Nestas modalidades, na categoría d), os premios serán en metálico, cun importe de 60 euros para os primeiros e 30 euros para os segundos. Na categoría e), os premios, tamén en metálico, serán de 100 euros para os primeiros e 50 euros para os segundos. No resto das categorías, os premios consistirán nun lote de libros.

Na modalidade de fotocreación ou videocreación, existirá un único premio, consistente nunha figura do artista Camilo Seira e un lote de libros en lingua galega.

Todas as persoas participantes recibirán un diploma acreditativo.

## OITAVA

A participación neste certame supón a total aceptación das súas bases e da resolución do xurado.

O Concello de Rois resérvase o dereito a facer uso dos traballos premiados.

Pode obter máis información nos teléfonos 981804109 (de 09.00 a 14.00) e 981816061 ou a través do enderezo electrónico [inscricions@rois.gal](mailto:inscricions@rois.gal).